


Vom Circel vnd

So dir nun zwei Linien fürkommen / eine kurz die ander lang / vnd die lang hat etliche theiler / die soltu an dem kurzen auch gleich machen / das die theiler an der kurzen Linien gleichförmig weren der langen Linien / dem thue also / die lang Linien bezeichnen an ihren beyden orten mit A. B. die kurz mit C. D. setze die lang Linien ober zwerg vnden / vnd führe an derselben Eck einem ein gerade auffrechte Linien / das die zwerg vnd auffrecht Linien ein rechter winckel sey A. darnach setze die kurz Linien ober die lang in gleicher weite vnd zimlicher höhe / das sie mit dem einen end C. die auffrecht Linien A. anrühre / darnach leg das Richtscheit an der langen Linien end B. vnd der kurzen Linien end D. vnd reiß also ein Linien durch auß / wo sie denn die auffrecht Linien anrühret / da setze ein E. darnach laß das Richtscheit im puncten E. stehen / vñ leg das ander end auff die puncten an der langen vndern Linien 1. 2. 3. vñ zih also ein Linien hinauff zum puncten E. wo diese Linien die kurz Linien C. D. dñ durchschneidē / da mach punctē / so hastu die gleiche theiler auff der kurzen wie auff der langen / wie ich es dann hicher verzeichnet hab.



Nun hab ich aber ein Linien die ist 60. Werckschuch lang / diese 60. Werckschuch wolt ich gern auff ein Linien getheilet haben / die dieser Werckschuch 10. kürzer weren / vnd doch die 60. Werckschuch auff der kurzen Linien recht verjüngt würden / dem thue also / Ich setze die zwerg Linien mit iren 60. theilen / vnd bezeichnen jr bede end mit A. B. nun mach ich